


1613_061.jpg



Seconde Continuation.

61

choiſte de la septiesme; ils estoient tous vestus de satin verd, & en chasseurs. Leurs chiens devant eux, & plusieurs veneurs sonnans de leurs trompes.

VIII. Le Comte de Trautmansdorf; Ses couriers estoient de bleu & rouge: Sa machine, vn char de triomphe, tiré par deux Licornes, sur lequel estoit vn Mercure avec vn Sceptre: Et vn arbre contre lequel estoit assis vn Victorieux tenant vn vaisseau d'or. Deux filles estans à cheual; l'vne portant vn Pelican, & l'autre vn Soleil, alloient devant plusieurs Captifs de toutes nations, que le Cheualier de la Victoire faisoit mener devant luy avec ses Estaffiers & plusieurs beaux cheuaux.

IX. Le Baron de Herbestein menoit la neuuesime troupe. Sa machine estoit artificieusement faicte en Galere, à la prouë de laquelle y auoit vn enfant ayant ses vestemens verds, tenant vn ancre d'argent. Et en la poupe vne fille route nuë tenât d'vne main les cordes des voiles, & de l'autre le gouuernail. Au milieu de la galere estoit le Baron de Herbestein, armé à l'antique tenant vn bouclier, & prez de luy vn cheual volant, vn vieillard, & deux bergers. Ses estaffiers menoiēt apres six cheuaux en main, armés des lances.

X. La dixiesme troupe estoit vne machine faicte en ciel clos de tous costez: laquelle estant entre au camp, & devant les Iuges, s'ouurit. Aussi vint parut dans ce ciel Iupiter avec des Nymphes chantans diuers airs à la louange de leurs

Image issue du site mercurefrancois.ehess.fr - Cliché (c) Cécile Soudan